



**Broj: 13-04/2-05-23547/18**  
**Sarajevo, 07.06.2018. godine**

**BOSNA I HERCEGOVINA**  
**FEDERACIJA BOSNE I HERCEGOVINE**  
**KANTON SARAJEVO**

**SKUPŠTINA KANTONA SARAJEVO**  
**Služba za skupštinske poslove**

**VLADA KANTONA SARAJEVO**  
**Stručna služba Vlade**

**- OVDJE -**

**Predmet: Odgovor na zastupničko pitanje, dostavlja se**

Zastupnik Semir Halilović, je na 42. Radnoj sjednici Skupštine Kantona Sarajevo, održanoj dana 07.05.2018. godine, u okviru tačke Dnevnog reda "Poslanička pitanja, inicijative i odgovori", a u skladu sa Poslovníkom Skupštine Kantona Sarajevo postavio zastupničko pitanje kako slijedi:

"U dva navrata predložio sam izmjene Zakona o socijalnoj politici Kantona Sarajevo. Oba puta iz Ministarstva sam dobio odgovor – da se inicijative prihvataju, ali nakon više od godinu dana, iste nisu realizovane, odnosno izmjene Zakona nisu upućene prema Skupštini KS. Kada se mogu očekivati izmjene Zakona o socijalnoj politici KS i uvođenje sitnih, ali korektivnih i važnih izmjena koje sam predložio?"

Na navedeno zastupničko pitanje dajemo sljedeći odgovor.

Vežano za zastupničku inicijativu , podnesenu na 33. Radnoj sjednici Skupštine Kantona Sarajevo, a koja se odnosila na "izmjene i dopune Zakona o socijalnoj zaštiti , zaštiti civilnih žrtava rata i zaštiti porodice sa djecom u cilju očuvanja stope prirodnog priraštaja stanovnika u Kantonu Sarajevo", ističemo da je ministarstvo je poslove iz svoje nadležnosti poduzimalo u cilju prilagođavanja aktivnosti ministarstva potrebama korisnika socijalne zaštite, te na taj način načinilo značajne pomake u oblasti socijalne politike. Sve provedene aktivnosti za rezultat su imale uređenje i unapređenje oblasti socijalne politike i kontinuirano ostvarivanje prava korisnika iz oblasti socijalne zaštite, zaštite civilnih žrtava rata i zaštite porodice sa djecom. Provođene su aktivnosti na sistemskom, zakonskom ujednačavanju prava podrške obitelji sa djecom na području cijele Federacije Bosne i Hercegovine . Ministarstvo je učestvovalo u donošenju Zakona o hraniteljstvu u Federaciji Bosne i Hercegovine ("Službene novine Federacije Bosne i Hercegovine", broj 19/17), njegovom promovisanju i edukaciji u svjetlu početka primjene ovog zakona, koji je donesen u okviru reforme socijalne zaštite u Federaciji Bosne i Hercegovine (zbrinjavanje djece bez



roditeljskog staranja i odraslih), a dali smo i značajno učešće u aktivnosti na Prednacrt zakona o podršci obiteljima s djecom u Federaciji Bosne i Hercegovine i Javne politike o zaštiti obitelji sa djecom u Federaciji Bosne i Hercegovine.

U Zakonu o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 38/16) vidljiva su poboljšanja u regulisanju prava porodica sa djecom, a koje se odnose na pomjeranje dobne granice smještaja u Kantonalnu javnu ustanovu Dom za djecu bez roditeljskog staranja sa 18 na 27 godina, regulisano je da pravo na dodatak na djecu, bez obzira na imovinski cenzus, pripada i djetetu kod kojeg je utvrđen invaliditet od najmanje 90%, poboljšanje položaja žene – majke u radnom odnosu, a pored majčinskog odsustva propisana je mogućnost očinskog odsustva. Na kraju odgovora navedeno je da će se, u skladu sa Javnim politikom zaštite porodice u Federaciji Bosne i Hercegovine, usklađivati i pravni okvir u oblasti zaštite porodice sa djecom u kantonima, pa tako i u Kantonu Sarajevo.

Izmjeni i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 44/17) data je po prvi put mogućnost porodicama koje ostvaruju pravo na uvećani dječiji dodatak, ostvarenje tog prava, iako je neki od članova zajedničkog domaćinstva vlasnik ili posjednik motornog vozila. Također, navedenim izmjenama i dopunama proširena je lista teških bolesti, u smislu ostvarivanja prava porodicama na uvećani dječiji dodatak.

Oko 13.000 djece u Kantonu Sarajevo od novembra 2017. godine dobija dječiji dodatak uvećan za 30% pa tako umjesto dosadašnjih 33,00 KM, dječiji dodatak od novembra 2017. iznosi 42,00 KM, dok je uvećani dodatak sa 49,50 KM povećan sa 63,00 KM.

Ove izmjene i dopune Zakona o socijalnoj zaštiti, zaštiti civilnih žrtava rata i zaštiti porodice sa djecom su, između ostalog, bile i u funkciji očuvanja stope prirodnog priraštaja u Kantonu Sarajevo, što je i bio razlog pokretanja inicijative zastupnika Semira Halilovića na 33. radnoj sjednici Skupštine Kantona Sarajevo.

Vezano za inicijativu zastupnika Semira Halilovića, pokrenutu na 34. Radnoj sjednici Skupštine Kantona Sarajevo, "za izmjene i dopune Zakona o socijalnoj zaštiti, zaštiti civilnih žrtava rata i zaštiti porodice sa djecom"

Također, na 34. Radnoj sjednici Skupštine Kantona Sarajevo, zastupnik Semir Halilović pokrenuo je zastupničku inicijativu "za izmjene i dopune Zakona o socijalnoj zaštiti, zaštiti civilnih žrtava", te kao odgovor na istu, ističemo da je Ministarstvo, u okviru programskog zadatka za 2018. godinu, izradilo Prednacrt Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom, i isti uputilo na konsultacije, a aktom broj 13-04-2-02-12641-1/18 od 09.03.2018. godine, Prednacrt zakona je upućen je Skupštinu Kantona Sarajevo sa naznakom "svim zastupnicima", uz poziv na dostavljanje prijedloga i sugestija na tekst Prednacrt zakona.

Prilikom izrade Nacrta Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom ovo ministarstvo je imalo u vidu i dosadašnje inicijative zastupnika Semira Halilovića koje su bile usmjerene u pravcu poboljšanja socijalnog statusa porodica sa djecom u Kantonu Sarajevo.



web: <http://mrsri.ks.gov.ba>  
e-mail: [mrsri@mrsri.ks.gov.ba](mailto:mrsri@mrsri.ks.gov.ba)  
Tel: + 387 (0) 33 562-089, Fax: + 387 (0) 33 562-090  
Sarajevo, Reisa Džemaludina Čauševića 1



Ministarstvo je, u cilju poboljšanja materijalnog statusa socijalno ugroženih kategorija stanovništva i poboljšanja položaja porodica sa djecom, u 2017. godini, donijelo niz akata kao što su, između ostalih:

1. Uredba o priznavanju prava na topli obrok u javnim kuhinjama Kantona Sarajevo ("Službene novine Kantona Sarajevo", broj 10/17);
2. Uredba o regulisanju troškova dženaze/sahrane/ukopa ("Službene novine Kantona Sarajevo", broj 31/17);
3. Naredba o visini mjesečnog novčanog iznosa subvencioniranja troškova grijanja ("Službene novine Kantona Sarajevo", broj 4/17);
4. Instrukcija o visini mjesečnog novčanog iznosa subvencioniranja troškova grijanja ("Službene novine Kantona Sarajevo" broj 45/17);
5. Odluka o vrsti, iznosu i uvjetima i načinu dodjele jednokratne pomoći u budžetskoj 2017. godini, broj 13-05-23136-2/16 od 27.02.2017. godine;

Također, Ministarstvo radi na poslovima analize i poboljšanja socijalne situacije u Kantonu Sarajevo, te je na prijedlog Ministarstva, Vlada Kantona Sarajevo, Rješenjem broj 02-05-10130-18/17 od 16.03.2017. godine i Rješenjem broj 02-05-18870-11/17 od 23.05.2017. godine imenovala Tim za izradu Analize pravnog i institucionalnog okvira u Kantonu Sarajevo u svrhu smanjivanja siromaštva i socijalne isključenosti u Kantonu Sarajevo. Tim je u Analizi, između ostalog, izradio detaljnu Analizu stanja u Kantonu Sarajevo u oblasti socijalne politike i definisao ključne uzroke siromaštva te predložio mjere za prevazilaženje postojećeg stanja, izradio Analizu pravnog i institucionalnog okvira u Kantonu Sarajevo u svrhu smanjenja siromaštva i socijalne isključenosti u Kantonu Sarajevo, kreirao prijedlog za izradu jedinstvene baze podataka kako bi se moglo pratiti stanje u ovoj oblasti i u skladu sa istim poduzimati adekvatne aktivnosti i utvrđivati mjere.

Nakon što je Tim, čiji su članovi stručnjaci u oblasti socijalne zaštite, izradio gore navedenu Analizu, ista je Zaključkom broj 02-05-24652-8/17 od 27.07.2017. godine, primljena na znanje od strane Vlade Kantona Sarajevo.

Na prijedlog Ministarstva, Rješenjem Vlade Kantona Sarajevo, broj 02-05-30402-24/17 od 12.10.2017. godine, imenovan je Tim za izradu Akcionog plana reforme i razvoja sistema socijalne zaštite u Kantonu Sarajevo 2018. - 2020. Tim je u Akcionom planu predložio izmjene zakonskih regulativa koje će omogućiti racionalizaciju sistema socijalne zaštite u Kantonu Sarajevo; pripremio mjere za racionalizaciju i reorganizaciju ustanova u sistemu socijalne zaštite, predložio efikasniji sistem finansiranja sistema socijalne zaštite posebno kada je riječ o boljem ciljanju korisnika i koordiniranju sistema finansiranja iz nadležnosti Kantona Sarajevo i Federacije Bosne i Hercegovine, predložio mjere za harmonizaciju reforme socijalne zaštite na nivou Federacije Bosne i Hercegovine i Kantona Sarajevo, definisao mjere i aktivnosti za unaprjeđenje menadžmenta i kadrovske politike u sistemu socijalne zaštite u Kantonu Sarajevo, predložio mjere za radnu aktivaciju korisnika posebno kroz socijalno poduzetništvo, struktuirao Akcioni plan prema vrstama korisnika socijalne zaštite.

Akcioni plan reforme i razvoja sistema socijalne zaštite u Kantonu Sarajevo 2018. - 2020. usvojen je od strane Vlade Kantona Sarajevo, Zaključkom broj 02-05-23512-38/18 od 31.05.2018. godine.



web: <http://mrsri.ks.gov.ba>  
e-mail: [mrsri@mrsri.ks.gov.ba](mailto:mrsri@mrsri.ks.gov.ba)  
Tel: + 387 (0) 33 562-089, Fax: + 387 (0) 33 562-090  
Sarajevo, Reisa Džemaludina Čauševića 1



Analiza pravnog i institucionalnog okvira u Kantonu Sarajevo u svrhu smanjivanja siromaštva i socijalne isključenosti u Kantonu Sarajevo i Akcioni plan reforme i razvoja sistema socijalne zaštite u Kantonu Sarajevo 2018. - 2020. mogu se pronaći na web stranici Ministarstva.

Iz svega naprijed navedenog je vidljivo da je ovo ministarstvo u zadnje dvije godine pripremio izmjene i dopune Zakona o socijalnoj zaštiti, zaštiti civilnih žrtava rata i zaštiti porodice sa djecom, i iste uputilo u skupštinsku proceduru, što je rezultiralo donošenjem Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom (“Službene novine Kantona Sarajevo”, broj 38/16) i Zakona o izmjeni i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom (“Službene novine Kantona Sarajevo”, broj 44/17). Ovi zakoni su imali za cilj poboljšanje materijalnog statusa socijalno ugroženih kategorija stanovništva i poboljšanje položaja porodica sa djecom. Kada su u pitanju najugroženije kategorije stanovništva u Kantonu Sarajevo, smatrali smo da i dalje postoji potreba da se određena zakonska rješenja poboljšaju, te je Ministarstvo, na tragu toga, uputilo u skupštinsku proceduru Nacrt Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom, sa ciljem usaglašavanja sa Zakonom o hraniteljstvu (“Službene novine Federacije Bosne i Hercegovine”, broj 19/17).

Smatramo da je potrebno poduzeti značajne korake u cilju očuvanja stope prirodnog priraštaja stanovnika u Kantonu Sarajevo, ali da bi isti trebali biti dio sveobuhvatne politike Kantona Sarajevo, u čijem provođenju bi trebale biti uključene sve relevantne institucije. Ministarstvo će, kao i do sada, kroz izmjene i dopune Zakona o socijalnoj zaštiti, zaštiti civilnih žrtava rata i zaštiti porodice sa djecom (“Službene novine Kantona Sarajevo”, br. 38/14 – Prečišćeni tekst, 38/16 i 44/17), raditi na poboljšanju položaja socijalno ugroženih kategorija stanovništva i porodica sa djecom,

Sve daljnje mjere na poboljšanju položaja socijalno ugroženih kategorija stanovništva i porodica sa djecom, iziskuju značajna finansijska sredstva, te ista moraju biti usklađena sa Budžetom Kantona Sarajevo.

S poštovanjem,

Pripremila: Aldina Šantić, stručni saradnik

Kontrolisao: [REDACTED]jenja

Kontrolisao: Nuriia Hodzic, pomoćnik ministrice

Dostaviti:

1. Služba za skupštinske poslove Skupštine Kantona Sarajevo
2. Stručna Služba Vlade Kantona Sarajevo
3. a/a



web: <http://mrsri.ks.gov.ba>  
e-mail: [mrsri@mrsri.ks.gov.ba](mailto:mrsri@mrsri.ks.gov.ba)

Tel: + 387 (0) 33 562-089, Fax: + 387 (0) 33 562-090  
Sarajevo, Reisa Džemaludina Čauševića 1

